

sis ei mäsfa teggemine. Kos hä ristikhain om olnu, säält saap tõisel ajastajal iks wilja, ütiskiit messugune willi ennege om; ent waese ristikhaina pärra jääp põld lahjas nink hainatap wäga ärra. Sepärast ärra olgo rahhatengaga kiski, mes kipsikiwwe eest tulley wäljapanna. Se kullu tulley kassuga tagasi. Hä ristikhain ännap rohket ellaja toidust, nink mes temmast põllule pärrajääp wäitap maad nidade, et tõisel ajastajal parrembat wilja käänap, kui so põld eale om nannu. Pälegi õmma kipsikiwi oddawa, kui neid parrajal ajjal ostetas. Kes kewwajal tahhay kipsida, peap jo süggisel kiwwe walmis soetama, sest sis om neide hind (Tarto linan) kigeoddawamb. Reid tüwwas Pihkwa poolt pärran põimo Beipse randa nink säält lodjaga Tartohi. Süggisel mäsfa Tartu kiwipuu 5—10 tenga hõbbemat, ent kewwaja pole lät hind källimbas nink küsitas jo 15 tenga putast. Kui sa sis Märtnapäiwa aigo ehk eddimätsse sanitega lina tullet, sis tällita ni, et taggasi minnen wõit kipsikiwwe üttenwõtta. Utte wakkala ristikhain wõttap rohket poolt wakka kipsijahhu wasta nink ei panne lias, kui sa ka terwet wakka kullutat. Kolmest putast saap wakkajahhu, mes sul mattirahhaga üllelige ei tulles ennambat kui 35 tenga hõbbemat mäsfa. Nipaljo rahha sa peat sis kätte wõtma, kui sa õmma põllo pääl wakkala ossa kige parrembat ristikhaina tahhat wikkati älla saia. Sedda kipsijahhu wiisatas hõmmungul warra hao minnekil, kui tuult ei olle nink kaste weel haina pääl, külwi modo ristikhaina päle wälja.

Juni-ku lõppetusel sawa ennambest kiit ristikhaina nuppo jo wäljan ollema, ni et põld jo kääwest werretap. Kui se nidade om, sis sünnis ristikhaina eesmätsel hawal mahhanita. Eddimäne põim om siin meie maal kigetullusamb nink ei pea mitte liigwarra sama ette wõetus, sest muido ta ännap

weidi wälja nink kääway tõises põimus ni wägge waste pärra, et tedda hääme ilmaga süggise pole kuigi wiisil ei sa kolkowõtta.

Ristikhaina kolkowõtmisega te seddawärki. Kui sa ollet kiit põldu mahhaniitnu, sis minne mõtsa kerbikid otsma, mea hä õsselise õmma, raiu tüwwiotsa terrawas nink säe põllo pääl nipaljo rōufid kōtko, et kiit haina sinna päle mahhāsse. Om se tõ tettu nink ristikhain seni weiditese nārwinu, sis ärra pallago neid mitte, et õrna lehhese mant ärra ei katka, nink nalka ennege rōnke päle ladduma, ent nidade et maast arwata rohke jalg wahhet jääp nink tuul hāste wōip alt läbbikāwwa. Kui parras tahhe ilm om, sis wōip katka jalga padjuta ladduda, muido ei sünni paksenalt kui jalla padjuta panna. Harri peap kōwwa nink hille ollema, et ta wet sisse ei wõtta. Johhup suwui tahhe ollema, sis wōiwa haina süggiseni putmata rōnke päle jada, kost neid pärrakōrra telgusehe wetas ehk kuhja pantas, kelle pääd nidehainust tettas, et wessi kuhja mõda allajosep. Ent kui suwui wāga wihtane om, sis wõtta ristikhainu, kui ilm eale mahto ännap, rōnke päält mahha nink lasse tule kääntahheneda. — Tõistkōrda põimetas ristikhain Augusti-kuul nink pantas nisamma paigale, kui eddimätsse põimo haina. Tõisest põimust om hä ellajile torest etteanda, esjääralikult kui ilm ei ännap tahheneda; ent se man om wajja tähhelepānna, et ellaja liga ei sa *).

*) Kui ellaja õmma johtunu wārse ristikhaina päle, ehk kui perremees eest neile sedda torest etteheidap, sis nemma sõwa sedda maggusat nink wāggewat haina ni sure himmuga, et nemma pea liga sawa, nink mitto tükki õmma jo se läbbi huffa lānnu. Kui sis natta om, et hārg ehk lehm ehk mōllikas ehk hobben, ehk mes muud ellajat om, ristikhaina pääl liga om sanu, ni et tōt om ülle spaisunu, sis peap tedda seddamaid kairwa ehk lätte mannu widama nink tälle pangega külma wet pälewalletama, olgo ta ennam poolt tundi aigo,